

忠

雅

堂

文

集

忠雅堂文集卷九

詩九

鉛山 蔣士銓 心餘

乞畫竹柬王德圃

啓緒

侍御並令弟詒堂

燕緒

編修二

首

幾年拋擲繹皮冠何處因依綠數竿
鬻俗漫言燒笋易舞風真覺放梢難
花栽直木聊相慰畫有斜枝便可看
欲借新屏空翠色小窗同我較清寒

裁詩乞畫本來癡移去應如竹醉時
但要風驪來幹馬怨無海石祕仇池
巧偷豪奪吾何敢穀是臧非兩不知
已埽茅齋三尺壁待君持贈歲寒枝

贈董生

弦高犒秦師智罽託鄭賈宛人法
孔氏曹邴變鄒魯白圭治生

產自謂比伊呂趨時若猛鷲遂作當世祖糟糠苟不厭窮巷徒
自苦貧賤談仁義名高究何補徐君八口家一廛溷塵土饕殮
或未繼風雨孰能侮董生召南裔混迹金陵估嗜學過小儒行
義慕三古猶名挂仕籍老與選人伍邂逅友徐君同人慶于旅
皇皇倣推解急難亦云屢但行心所安市德本無取乞詩志高
誼感者良足許薄俗競錐刀珠玉易歌舞一擲百萬盡身世託
莽鹵心非簞豆恩意切乾餒忤旣逐雞與鶩豈辨璞爲鼠保固
比封君清則抗秦主紛紛愧董生焉可同日語貨殖傳何人低
頭閒遷腐作詩慨以懷竊比怨非怒徐君苟富貴慎毋忘在莒

田退齋少宰招游陶然亭

小車穿荻葦宛爾泛輕舟野闊瀟瀟水陂迴露一樓林亭如負
郭風味最宜秋斗鼓緇塵外偷閒取次游

送座主錢香樹先生祝嘏入京 賜尚書秩歸里六

首

朝衣一品五雲裁爭看神仙李泌來心地芝蘭天護惜丹青喬梓

帝培植

上賜公
有喬梓圖

老人星象連奎壁耆舊賓筵集鼎台醉取梅英

插霜鬢尚書眞配百花魁

人數山名與古同

九老奉詔游于香山是日風信甚嚴

紅牆銀漢繞珠宮攀躋許徧瓊

華嶼游戲眞乘列子風膽飲從游瞻

御宿簪裾入畫指仙翁

誰知老鳳攜雛鳳卻被中官喚阿豐

公五耶汝豐從游官監識之

邱園甘旨主恩偏故爲司農益俸錢誼極

君臣同父子感深廊廟接林泉

重巡構李期三月再觀華

胥訂十年還恐詩翁勞杖履厖教翹佇里門邊

顏書杜句本無雙
柳雅韓碑滿廟堂
大手只今歸老宿
聖朝從古用文章
上珍賜到分箋謝
天語批來透紙香
獨握智珠圓滿極
算年詞賦益光芒

曾參孟軻涕漣洏
母像安能乞御題
作記可知歌當哭
開圖如見笑兼啼
慕同孺子心常赤
孝感

君王意轉懷我亦深
嘗熊膽味衰年忍奉一黃齋

郊原拜送共依依
奇福新榮自古稀
臘雪未容侵老鬢
官梅爭愛點行衣
還家篇什琅玕富
放眼乾坤錦繡圍
傳說六龍將過處
橫空先看鶴南飛

石門蔡貞女詩

壬午

同耶一月生後耶三歲死耶
死戊寅妾辛巳妾初心豈如此
父母之言妾之志耶死戊寅
妾生亦庚申妾心隨耶死妾命且復

存郎訃來投筓嘔奔喪未能嘯血斗誰留兒父與母誰念兒姑
與舅呻吟牀蓐聞姑來執兒手姑言望兒痊姑意誠可憐願將
依戀心繫姑衣帶聞姑云兒勿悲深感兒志堅遂爾同穴心叩
頭謝姑言妾命短長術士焉得知妾病淺深庸醫何能爲郎葬
有日矣妾死其如歸絕粒目乃瞑四月四日之子時皇天后土
色黯慘千人萬人涕漣漣河城里在石門居者誰蔡與田郎名
何田兩元貞女誰蔡氏媛朱陳邨死央墳我銘之激勸存

題少司農裘漫士先生舊照九首

馨膳南陔愛日長家人和樂母康強朝衫肩裊鑪煙暈半漬飴
香半乳香

尚食攜歸佐壽杯分甘眞喜衆孫來願摹彩鳳將雛意常博高
堂咲口開

采衣繡祿慶繩繩瓜瓞披圖信有徵子抱童孫孫抱子卅年添
寫到雲仍

右抱兒侍母圖三首

昔年加飯弟兄心宦稿聯珠對賞音不用西堂夢春艸謝家詩
意滿秋林

清如雙鶴戲林阿退食肩隨語咲和未讓彭城對牀夜秋聲還
較雨聲多

曾聽溫公拊背詞天真豁露樂怡怡可知勸飯添衣意更勝推
梨讓棗時

人琴悽惻畫圖縣掩卷重思雁序連歸遺生徒說詩傳定須藏
過脊令篇

時令兄寶林比部已下世三載 右秋林競爽圖四首

遷喬要擇木千尋全樹真教借上林臺省廿年交稷契出山應
慰在山心

蒼顏比較益冲和歲月堂堂展卷過料得歸尋釣游處當時新
柳十圍多

右求友圖一首公爲諸生也

再送李載菴歸滇南

前年送君北今年送君南南北各極萬里路君身轉徙一再三
人生豈有豎亥步短衣匹馬何能堪緹縈木蘭古女子可憐七
尺今兒男白雲高飛兩阻絕游子顧之心寸結黑龍江氣馬頭
昏揚磨山嵐衣上減此身突兀無飛翰手提馬搥身據鞍雙親
久賦垂老別獨往不知行路難與君同甲齒相若況復共依紅
杏壇酒杯書卷易感觸中有孝子吮痕斑天門誅蕩不難叫子
舍飄泊無由安何當長夜哭師寢籍湜心死冒黎韓趙三朱五
等骨肉鯁庭喪禮相稽翻服勞治事倚君獨慮周心苦丰神閒
春風油油合品彙白石磊磊迴波瀾高才用處始一見誠意密

時終自完朝來黯澹整襪被曰歸將母言辭酸柳條初轉驛樓
色杏花欲破離亭顏情多忽歎雁分陳道遠且學鮎循竿絕塞
或添雞竹卜北堂已聽芻尼喧三年捧檄辭桑梓過處爭看李
公子傳家治譜劔門留遺愛文翁蜀人祀玉關生入豈無端屬
國歸來其在蘭

陳怡堂耕雨圖

一犁劃波牛力勝一牛掉尾游田塍牛背坡陀比山穩牧牛小
兒嬉戲憑主人行田具屐簪細雨潤衣煙霧凝提壺布穀各酬
唱橫笛似有秧歌磨大輪嵐翠三秀承中有抱犢仙人朋弟爲
中郎兄右丞山農不用徵書徵黃金絡頭鼻玉繩試舉問牛牛
喜憎介葛盧云牛有云以羊易之吾未能

送饒四星還南歸應省試

昔年倩君駕二航，碁鐙掩映匳鏡光。中書愧拜管城子，小妹學爲新嫁娘。奴婢犬雞各嬌嫵，主賓琴酒爭角張。江山夷險命相倚，弟兄嫺亞心永臧。瓠瓜偶縣便久繫，旅雁北鄉仍南翔。汝栖故園兩脫解，聞汝力學精神強。讀書僧舍眼如月，題句酒樓詩滿牆。丈夫失意賤苦語，志士養晦羞激昂。我心喜玩蠶蟲理，汝兄眷念征鴻行。兩年京雒再聚首，兒女繞身揖拜將。苔痕滿地我高臥，馬蹏踏階君上堂。每欣真氣出胸臆，不厭鄙性同桂薑。今君再歸逐秋試，對酒惜別傾離觴。科名張鵠士弧矢，反求志體休旁皇。布衣貧賤亦千古，隱遯豈得栖膠庠。俗士尋常溷軒冕，美人不必皆嬪嬙。忠孝根心敢菲薄，浮沈守官奚短長。古來貴人若沙蟻，青史所載晨星望。可憐當時困阨者，百世仰企何光芒。君歸日飲湖上水，清味足浣塵埃腸。富貴時至則可有勝

敗偶爾毋庸傷知君久識得失理咏歎淫泆期不忘青袍席帽
九千士就中稷契誰能量才高命薄未可恃識遠器大終難方
我兄見君定痛飲道我懶惰形羸羸小園三畝倘相過坐對菰
韭嗟燕荒酒龍詩虎亦何有爲我問訊新城王

調穀堂也

送唐再可

誰令屈宋作衙官上苑無枝寄羽翰萬里冰銜書大令三年詩
思滿長安相輕已破文人例投分眞成骨肉歡卻悔銓筵多引
避自來君子定交難

羅旭莊前輩旣移庖廚于書室遂堊舊庖屋爲舫齋要
同人賦全韻詩落成予得十賄六十韻

移居等置基趨吉比求賄安或就湫隘危或避爽塏門閭互啟
閉徑路數遷改相宅古有經發室豈爲詒先生學道者寂處觀

自在隨寓足安樂掩關謝尤悔守舊知有常革故亦復乃檢帙
卽詩婢徙薪督膳宰如轉粟就民如挾帑超海陵谷本相替幽
喬成對待書牀換珍廚經簡易食糲攜來短檠鐙負去太羹飛
埽牆滌舊汚堊壁受新采簾紋水差差砌石玉璀璨碁局阡田
田硯山嶺岵岵盡又依茗壚琴拂承劒鐔鑪香坐椒蘭餅卉列
喬麗懸圖看海嶽澎湃帶歸隼山鳥若鳴春池竹欲舒篴談塵
飄離披酒具簇硨磲風光一室聚文史百川匯岸舟與陸舫取
適自爾頗差同濠濮游底用波流浼主人招要頻數子過從每
耽吟賢乎已好客敬勝怠小史調琴箏中饋出脯醢題蜥隱
孟聯句珠綴琲老輩擅詞場公才故十倍筆鋒摧四軍心花吐
千蕾奇情動臚覬妙理解頤頤幽含秋蕭寥秀發春蕩駘鼓吻
餐繁英漱齒嚼細蓓赤幟驅百靈華構結萬綵取譬嚴附會數

典卻腐鯁豈惟振衰靡實可起萎腰從朝或至昃自卯輒逾亥
掌握一寸鐵力舉百鈞礪十手未舉旗三矢已奏凱豪奪曹景
宗雄壓慕容廆獨提鷁兒軍似著獅子鎧能令萬馬卻不畏眾
石硯橫馳算與抗絕叫誰敢欺當公偏師來令我壯氣灌以此
固壘守數以疑兵紿自維郊島儔濫與鄒枚案孤栖惜羽毛獨
酌平礪硯如鳥驚雛雛如竹枯魁魁如獸走躑躅如木病魁癭
繁蔓繭抽絲雜感髮覆葉顧影形傴僂看鏡面瘁癩舉杯醉司
命似見髭絲儘已知白守黑不望虛變彩紛紜厭薄俗跌宕想
綿載可憐懷抱盡遂令容顏偏久齋道人心罷鍊健兒憊退鷁
難疆進飢鷹故先餒降旗爲公倒應諒岌岌殆鑄詞咲贅附命
意誠鄙猥投詩抵銜璧庶贖逋逃罪幸從君子室永以佩蘭茝

題秦樹峰尚書味經圖舊照

玩易梁邱賀談經井大春當時貴公子一代讀書人絕學真難繼傳薪要此身平生就六籍餘事出經綸

次韻答家仲升

元樞

孝廉

麻衣如雪記分襟聞道王裒廢苦吟畫閣琴書封別館聖廬燈火夢荒林梨花麥飯鄉人淚宰木烏啼孝子心還遣親臣祠故相九原應泣

主恩深

繼祖過吳門

道官展文恪公墓

畢秋帆

沉

修撰以其友像屬題絕類應真戲作

如來面作白月滿卍字當胸智珠轉萬籟不聞耳觀寂豈識芭蕉有舒卷偶然現身入畫中淮海之士陳元龍不知其人視所友題者粲列文章雄邊太守呂將軍羅漢有武復有文惠洪咲指雲堂像失卻西來第五尊

七月二十六夕夢中十字橋題梵宇左壁

羅袂迴風燭影搖河聲浩浩馬蕭蕭
神官咲解金魚贈仙吏歡持絳節
招大筆干霄山作案寒濤飛雪氣爲
潮嶽寄歷盡穿天眼暫駐旌幢十字
橋

送鄭東里先生

之儔

二首

三年兩度見吾師函丈依依似昔時
種樹已成仍灌溉散材將老借支離
文章報國慚通隱桃李先春感受知
許作衙官陪相宋願從詞客采江蘼

平生隱德可儼銘芝艸琪花徧鯉庭
肘印新摹二千石函書恰授十三經
有三人鶴舉隨地娛清節名字從天寫
御屏八座好看迎壽母嶺雲深護老
人星

無題二首

官柳琅邪木易攀長條踈地惜春殘如何解作漫天絮不點王
孫八寶鞍

紅酣綠瘦小庭芳乳燕鳴鳩取次狂不信桃花人影亂翻令仙
犬吠劉郎

八月六日入京兆閣紀事呈梁觀兩院長及館閣同事

諸君六首

觚稜晴靄汎晨光冠佩趨朝集璫廊御筆僉名珠顆貫禮
臣宣 蛟鳳鳴鏘鷁鸞小會聯新翼奎壁重來解急裘

時兩院長
于塞垣街

命何幸微臣榜散士叨陪列宿入文昌

雕輪銜尾出東華六府頭廳已放衙齋日例停京兆宴天衢樂
導使臣車迴翔雲路思前轍指點風檐說舊家那識虛堂清闕
極斗牛邊畔許乘槎

玉皇案吏並台階新侍 長楊羽獵回文圖全邀枚馬坐絳紗

仍爲戴彭開

同人半出兩先生門下

三年種樹依喬木

王夢縷宋小巖已卯舉京兆卽出兩院長門

節次

持衡應斗魁渴好同來簪筆侶

十八人皆先後出入館閣是爲盛事

朱衣屏後最低回

院宇深嚴戶牖排登瀛人數恰相偕牙冠雙入監闈使縹檢分

呈聘禮牌鳳覓高梧原有舊

曾典分校者皆各居前舍

燕投新壘便爲佳難忘

矮屋苔花碧檢點衣痕尚可指

陳編寢食廿年俱忽漫巾箱寸帙無伏案低顏思卷軸聞雞失

咲近庖廚朝曦過隙心猶惜夜魄窺簾影未孤此是桂輪蟾窟

裏萬閒廣廈一冰壺

老眼無花鏡月縣玉堂連袂領羣仙臣心空洞知 恩重

天語分明藉口傳

兩片長口傳上旨諭同考諸臣各立公議

經注牙鰐編象緯風和蘭座

歌星躔消閒擬和坡翁句試院茶香可共煎

初七日同趙雲松夜坐有懷三首

雲閒坐數珮環聲孤負鸞驂滿玉京卻怪天風晚來弱不曾吹
下許飛璫

綸素衣裳雅澹妝言從魯國伴姬姜婆娑桂樹無人倚閒殺嬋
娟翠裏長

煙雲千里夢餽黏料得鮫人淚點枯那識驪龍開睡眼月中相
對念遺珠

初八夜對月感舊呈葉毅菴秦叙堂汪耕雲紀曉嵐前
輩張懷月舍人五君子皆丁卯鄉舉同年故有作

微颺料峭嫩寒尖門徑斜封鎖鑰嚴題紙裁雲同密護印泥分
彩各新鈴秋河顯晦翻層浪好月盈虛隔一簾十六年前今夜
漏六人五處卧風檐

汪紀開舉京兆

乞酒戲呈監試明惺菴紀心齋兩侍御

斗柄插屋百慮收酒星退舍空尊愁遣秋愛覓犀首飲泛月或
喚秦青謳鏤閣靜夜對官燭良友促坐思觥籌豈無法酒醞百
斛但恐濁鏡昏雙眸當關禁令一夫守愚公併力移糟邱龍門
似下萬鈞閘涓滴不作迴瀾流平生文字抵麴蘖豈必沈湎爲
拍浮枯腸芒角藉少潤消渴未欲尋茶甌買菜猶希圃師益貸
米許向監河求豸冠繡服兩儒者閩內司命職有由米鹽璣細
使家督江海灌漑資陽侯麴生可否召白墮從事何必拘青州
調羹例得取梁醴多則益善淮陰謀諸君垂涎有同嗜發顏三
爵看油油荷鉅罇如伶便燼滅燭或者髡還留兩公監酒亦所
願童叟請罰號呶儔不然破觚毀酒具白簡彈劾公其休

謝酒疊韻酬兩監試

酒龍得酒渴吻收滿引一洗尊前愁雲階似有桂叢護月府但
少霓裳謠不知來夜吸玉璫已可兀坐消銀籌深槎未果藥玉
腹小杓恰浸鷓鴣眸杯錯入口豈嫌少爲下因澤高因邱督井
心枯器微置漠測量寬舍細流須眉倒映色清泮和氣盎盎春
波浮倒甌博濟勢不足客則吳越燕荆甌賢聖雖中衆不厭逡
巡解釀吾何求醇醴虛筵敢效穆酒瓢挂壁應同由乞郡誰移
汝陽守居鄉欲奪無功侯遙思撤棘屈指樂過有蟹無監州
三升去向酒胡索一斗歸與山妻謀鄰讐重煩畢卓枕襟痕藉
滌桓元油此願終酬意先騁薄酣易醒身仍留疵瑕求取豈公
度悉索箕斂堪予儔發棠可復虎再搏衢尊不竭眞休休

初十夜葉毅菴宮贊監梓試題次前韻屬和三疊酬之
後院鏐火次第收高堂列炬鰓魚愁蚤弧未許一戰霸鄧禹再

試羣聲謳蠟丸恐洩出關字虎帳藉運防奸籌削人墨氏各有
職面面樂睽魁星眸循行數墨慎魚豕鐵筆下處如山邱層煙
亂抹雨腳黑萬紙疾過雲壑流靈藥難容兔蟾霜楓敢逐溝
渠浮諸生聽漏測經旨各各射覆窺孟甌眞詮或與寶學契私
智詎可虛車求贊善中宵眼如炬精猛笑過兼人由吏胥半倚
牆壁睡刀筆絕少蕭曹侯三分勢比立周鼎各役分據三席九點煙欲橫
齊州燭光人氣互糾結神工鬼斧相參謀不知席帽八千士幾
人坐盡鐙檠油曙星點點屋檐隱曉風習習簾鉤留啓門捧出
隸役散比戶分給青袍傳東方漸白衆欲起六君乃作投牀休

並書後有六人

題壁閒畫松二首

循牆突兀見蒼龍几榻平分濕翠濃可有風雲藏五粒居然樓

閣坐三重寒濤欲捲虛檐月密葉疑留別院鐘鶴夢難尋塵夢醒不知身傍七星松

十九年前潑墨時

此作于甲子

盤空眞見氣淋漓蛟鱗未蝕泥牆影鴻

爪新留雪壁詩慰我枯禪三宿過伴人長晝一株宜明春誰更稱彌勒來覓松龕作總持

閱卷四用前韻

試牘過眼晨星收疾風捲穉成坐愁賞音難覓古時樂悅耳且乏新聲謳分來細載束筭簿棄去等擲量沙籌妙藥寧無辟洸手蜚鴻不入揮絃眸千鈞一髮敢下筆敗葉堆積俄成邱誰肯枯桐爨下泣可憐斷木溝中流文瀾浩淼鼓波浪珊網搖曳相沈浮觚生未覺夢迴枕佳士自許名藏甌豈知弱水不可渡徐福妄作神山求身世茫茫數有定鬼神默默知其由排風少怯

便倒退射石過猛終難侯飛熊掌且入珍鼎巨鼈冠應加神劑
明鏡烏容尹邢遁善戰可敵孫吳謀珠鞭漫策瘦蹇足豨脂算
轉方輪油圭中有玷尚愛惜沙內無屑仍存留此時心苦孰能
諒昔日曾罵冬烘儔安能借彼九還力砭石一起膏肓休

中秋夕紀心齋前輩用乞酒韻作歌見貽疊韻奉答

青天六幕垂不收明月照破人間愁羽衣想象素娥舞水調欲
發髯翁謳瓊樓昨現壽星彩海屋遠報仙官壽金尊檀板宴今
夕幾家顧曲迴青眸同人閉置聚奎璧鏤院寂靜如林邱闌干
橫挂北斗直豎閣影臥天河流明月倒行耳輪熱酒鱗濫濫蒼
穹浮朝來啓鑰進食籍京兆餽節羅梓甌謂賜物擲杖雖無法善
引犒師且免咎高求罵座寧煩灌長孺授餐喜託顏嚮山千層
併出渭城叟五色瓜謝青門侯當筵公忽寄奇氣浩歌力撼燕

雲州太白不死有此樂郊島寒瘦難爲謀詩成洗盞更斟酌玉
壺倒瀉錢唐油想公鄉思逐潮滿拓弩有夢隨婆留沙棠我念
泛湖舫白社久別尋秋儔夜闌悵望人籟息戰蟻應入槐柯休
朝來偶作

秋堂氣肅靜無譁茗甌基鐙似一家退院僧參魚貫出分廳客
散雁行斜畫樓曉日鳴霜角紙閣晨炊汲井華攬鏡朝來看帽
影宮花新颭角衙衙

時有金花銀盞之賜

覆閱落卷有作三首

六千猛士競橫戈十八霜豪雨點過不敢輕爲紅勒帛明朝遼
海哭聲多

再然犀炬照波心恐有潛蛟碧海沈記得當時銜木石十年辛
苦作冤禽

不辭倒篋更傾箱玉尺從新與細量忽有陽和生泰谷筆端擎
出返魂香

填榜六疊韻

合闈大索獵騎收得鹿者喜失者愁歐公豈避馬首譟鄭人或
造與前謳當益喜奪雉盧彩覆局怕數楊蒲繯藏蕉枉憶夢中
語射雀要中屏開眸諸生經傳置高閣豈復博雅探墳邱荒邨
學究坐講席往往謬種相傳流拔十得五古則爾學海浩淼壺
難浮書城筆陣貴堅固要使無缺如金甌同人默凜故步失二
老靜對虛心求天衢雲路關周道先進後進皆同由蹇人升天
忽墮地勇士折臂終能侯京畿首善領文運百靈陰鑒先幽州
良辰榜定按甲乙賢書將入隨嘉謀卷簾寮案列四坐院吏秉
燭燒蜃油黏名拆裂細填注公道不泯斯文留姓名高唱說才

倭老宿兼得孤寒儔奉華秋實有時命角觝且勸魚龍休

題黃荃仕女戲效香奩體六首

神仙眷屬水晶屏並坐隨肩學誦經願化彩雲假弄玉徧尋錦瑟叩湘靈閨風可畏寒拌忍明月無聲夜獨聽遮莫情多心不死薄嗔微怒任丁寧

總

殘妝半面皷腮痕綦繡非同倚市門鏡合應償難了願珠沈翻斷欲銷魂浣餘紗綾貧將母拍徧笊聲老受恩只怪朱顏憔悴極牽蘿辛苦向誰論

愁

遠山眉黛離華舒一咲曾褰百寶車索看手文朝盟後戲牽褰縹緲風餘雙聲又誤仙郎顧散髮何堪阿母梳熟誦心經重懺悔那知愁殺病相如

愁

并纓初上翠雅盤愛好天然索耐看羅韞生塵容我賦玉釵微

醉挂臣冠紅蕉紋窄書何懶修竹風和倚卻安底事三年壓金
綫尚須惆悵嫁衣難懶

盈盈年紀試妝新眉翠纔添粉未勻花靨半舒仍匿咲眼波微
漾卻迴身藏嬌有待終迎汝記曲能多或帶人聽徹玉簫渾不
寐可能騎鳳一歸秦眠

相悅相憐姊妹行寒宵幕忽遠相望靈風定送憑虛影好月宜
窺絕世妝醒易睡難教輾轉愁多歡少耐思量導師解證三生
事卻恨雲窗隱曲房憶

題趙松雪仕女圖二首

雙頰紅潮絕世姿咲從鴛鏡看娥眉如何誤觸金如意暗裏偷
尋獼慳髻

初試重帷五蘊湯羅衣暗卸解明璫海棠簾底窺新浴纔信昭

儀透體香

題壁閒畫花木四首

兩行叢桂倚娑羅秋色平分夜氣和不似人閒梅嶺樹得春濃處得花多

丹桂

陽和端借化工迴桃李無言接葉開松栢顏唐生子少任他蘿

葛寄枝來

松栢

將開欲落最愁人遮護頻頻洛水神忽放瑤池雙齒蘭就中狂綴采蓮身

並帶蓮

禁舞山香佛力堅驅除靈麝賴神鞭如何迎葉含微笑只在拈花手指邊

佛手柑

董參軍詩書付孤兒兆盛

七年不見董參軍孤兒突兀來敝門九齡十五同長身喚我作

叔揖拜殷問之哽咽淚霑巾忍痛細聽孤兒云太歲在丑父使
秦于役客死秦無人浮漢曲溯淮之濱八口尚滯章江瘠狼狽
買舟北向奔伏戎于奴牀篋塞寡母有翁官虎賁老病編戶高
唐氓母寡可依託饗殮旗籍卻注雙雛鵠老僕擔兒若荷薪乞
食苟活歸我昆戚鄙死亡無六親族祖帶甲老益貧兩孤倚託
歷冬春兵糧養育 朝廷恩國書有學業頗勤每懷旅櫬潛悲
辛欲返無力哀鮮民我聞惻惻泣且顰解衣裹兒肌骨溫秉燭
作書緘素鱗飛達酒府楊公轅公抱道德依于仁踰月報書一
一言遣吏覓棺棺故存載以糧艘妥游魂遠涉勿慮蛟龍吞反
覆誦之顏色欣八月秋濤捲高旻舳艫截漕停析津計里三百
力萬鈞一簣何惜錢千緡再爲展轉謀舟輪由通達涿工力均
合葬爲啓前妻墳土花蝕骨窵木湮易置歛藏重沐薰孤兒泣

血皇天聞君名法熹名宦孫厥祖宏毅今奉新殺賊捍患祭法
尊不及百年事淅淪王公興吾時我藩我爲言之達九閭朝
命既下俎豆盼君及陪祀受服膺君云隱願幸克申此外官職
安足論言猶在耳迹已陳哭君有詞連類因友于我殯義可循
九原可作知我真

十二月二十八日哭同年田伯庸

玉成

檢討于蓮花寺

四首

七日春回藥竈溫踰蹠爲爾慟黃昏三禪證果維摩室十地修
文宰相孫壽骨難憑真怪事蓮花不染兒仙根六年同館重傷
逝還忍假寒哭寢門

庚辰吉香味庶常卒于歸舟

瀛洲同日拜 恩時廿六人中最少姿華冑頻煩

天語及

君每引見上必問斷乃田懋之子

初階稍爲

國書遲

君習國書當庚辰散館時旨再留教習一年卒

已授清門再世貧逾甚強項如翁介可知典盡琴尊存直氣掩

關愁病倍支離

錦瑟重張十五絃愛看雛鳳影娟懷家忽賦新婚別送婦歸
承太母憐舊疾逢秋餘骨立殘年乞假謝羈牽如何欲賣羅含
宅先掃香龕結淨緣

親聞噩夢可分明視殮悽涼幾弟兄除日蓋棺羣變極西州擁
鼻自憂并人天解脫微微咲鴻雁翔迴適適驚賴有阿咸朝夕
哭招魂眞見死生情

甘養病神室雖族子光國孝廉相侍屬纊之夕則予與李衣山陳松山在焉

繪棺門先生遺像藏祀于家敬題幀尾

竊比終身慕平生一瓣香遺詩不忍讀沒齒豈能忘饗祀難爲
報音容宛在堂九原誰侍側待我白雲鄉

寄賀熊廉邨中丞移撫浙中

門庭清肅倚雙藤廿載朝端介節稱鐵面猶傳京兆尹牙旗再
領大中丞銜兼樞府威何遠世守冬官信有徵不愧臣心清似
水自來周禮重廉能

寄懷熊滌齋前輩時就養浙中三首

養素真如鶴在陰湖山端要壽星臨告身一品新冠冕宿望三
朝老翰林海月江湖重攬結風船水枕細探尋高年鐘鼎兼邱
壑天愛詩翁爾許深

蘭陔芳膳映簪裾僚佐稱觴禮問徐開府誰能隣錦里老人眞
合住華胥六橋宛轉迴簫鼓八座尊嚴侍起居十里紅燈滿堤
月兩行牙將捧安輿

撰杖依依咲語融三年夢繞石城東玉堂風月思前輩書榻琴
尊憶太公蘿萼新承喬木蔭孫枝舊接杏花叢伏生倘應元纁

聘經席重資一啟蒙

忠雅堂文集卷九

忠雅堂文集卷十

詩十

鉛山 蔣士銓 心餘

靳大千哀詞

有序 癸未

大千名樹椿鑲黃旗人爲文襄從孫乾隆庚午由興國州牧來
守吾郡明年爲游客媒孽被劾予時纂南陽縣志見公詩乃與
訂交甲戌公車再執手都下遂久不相見壬午歲暮公奉 詔
來京師攜一子一僕栖逆旅一夕中危症走告予予往視之公
伏枕流涕言罪廢無家挈家人乞食淮南編籍清江浦爲文襄
祠堂守者歲食其香火之資昨迎 鑾蒙 恩許入 覲今病
且死無倚藉者唯君賴焉予惻然爲具醫藥謀日給而公以癸
未元旦竟卒因典二裘爲公具棺殮作詩哭之

飄零江浦替祠官靳總河孫若此寒香火錢輕家累重祖宗功

烈

聖恩寬迎

鑾許附羣工

觀刷羽真同獨鶴盤不道成翁首

邱志歲朝消受一桐棺

昔識醴明一語親訂交文字亦緣因率更貌寢寧辭侮馮衍情
疎或被嗔表墓誰題前太守寓公應誌老詩人清淮渺渺龍堂
在魂魄歸宜駕赤鱗

陳仲牧員外新刻山谷詩集予惜其未見任天谷註本
錯雜和韻示搢圃四首

空山古寺曉鐘定斷礪老木寒煙深橫枝臥壑皮骨裂好花靜
發春天心誰歟涉險覓幽賞水力上簡絕挾蔣石牛洞中吟苦
時此境在胸成獨往

戒衣縣珠傍龍象圓蒲坐忘藏佛心絕壁如鏡入僧影古雪沒

腰禪定深樵徑齒齒不可往枯藤舞風似菱蔣一聲梵唱落諸
天不許宗門野狐賞

太白仲連嗟已往睨視秦

游少

錢

穆父與鼃叔

蔣

叔

整斜疎密是爲

佳那借歐陽季默賞蝤蛸江珧天下珍至味獨契得翁心江河
萬變同歸海行潦潢汙自淺深

雙姑插天幾人質不似青溪小姑蔣飛仙劒俠帶嫵娜絕迹凌
空妙還往書家孰解綿裏針世無善本剝蝕深陳郎未見任淵
註梨棗成堆亦苦心

題袁楚材舍人臥雪山房圖三首

苦愛山中雪重圖獨臥身亂峯白似水古木彊于人谷鳥將遷
樹岩花欲報春融融風力轉解凍及佳辰

四十飛騰日寧同算景斜窗縣虛室白夢落老夫家冷性耽邱

整孤踪感歲華只應添二友

胡千與蔡班卿

阿筆賦尖叉

散帙憑烏几飛花點敝裘硯冰鸛眼合鑪暖芋魁留境比天懷
潔詩隨酒力道不知煙外艣誰泛剡溪舟

錢慈伯客游山右學使幕中寄示新詩題其卷尾

心兵困文史忽忽意不懌但尋隱臥几罷理踏青屐春風來堂
堂花信含脈脈晴煙倚朝杏暖氣抽宿麥不知細犢車已徧軟
紅陌詩傳上黨緘書報遠方客啓械豁新愁洗眼觀暴獲始觀
舌挂勝再讀手加額情往理竭來事過感彌積初謀饕底醉繼
效橘中奕游藝道本在玩物志頗役稍稍累口腹駸駸溺閒適
飲醇過魯釀擊鮮勝灤鮒搏兔全力爭烘蝨九族赤幽思發深
秀妙旨窮刻畫興盡悲或乘痛定慘尤劇由來兒女懷足動壯
夫魄終篇意縈繞掩卷緒紬繹記從并州兒昔仗雲中策浩歌

太行險俯瞰天井窄山川一塵影歲月兩駒隙卽今拂顛毛坐
想整飛翮如何展教游往復怨局脊願違每多慕境有算知惜
請看雁門守不如一逢掖

移榻蓀圃寓齋同居匝月書壁志別

僦屋待君兩月餘春風吹到南來車孺人繡幃行次且八口尚
滯任城隅簾櫳著地燕寢虛招我由房賦鳩居我時避客謝毀
譽如蟻墮戶蝸隱廬攜被擔囊巾卷俱瑟縮共處壺公壺茶煙
不動臥綺疏隔牖愛聞君讀書琅然玉琴戛鳴琚聲音和平心
志愉朝餐夜飲主客娛三年樂事談徐徐李生溫潤玉尺如詠
嘲時一相盧胡閉門清晝筋骸舒依然並肩山澤癯誦君文章
明月珠積久始達其時歟修身力學福祿胥底須鐘鼓饗鸚鵡
鳩化爲鷹鼠變鴛理所算測事有諸懷哉君子慎厥初仕宦閱

歷知苑枯弟兄同學勉相於門外輪蹄各奔趨東風解凍開河
渠扁舟躍躍上冰魚明朝我去君埽除孟光眉案來斯須小鬟
炷香博山鑪鏡臺修潔看妝梳早眠晏起友朋疎對牀風雨還
能無

購得史閣部遺像並家書真迹三首

誰爲保圖繪公久外形骸身不歸柴市神猶墮臺街遺容亡國
棄賸墨野夫懷可惜衣冠葬無人哀此埋

守祀無兒託偕亡倚婦賢危軀成獨立正氣本孤縣徽珮難同
盡精靈許比肩請看家信字血淚故斑然

代重雲臺像公豎馬革心亂梅古剏發半壁敗基任畫日身應
健傳觀感亦深虛堂駐靈爽從此謝銷沈

醉補園夜飲味道齋次韻奉答三首

低頭亂書堆百端入我抱堂中古人徒門外長安道功名何紛
紛寢食但艸艸麥秋未可期春色已如埽網繆仁恩施枕藉餓
夫創官粟發億萬民命有遲早感激託微祿妻子幸相保行歎
復坐愁孤生寡朋好

獨酌觀萬物美醜皆有姿同生風日中亦復爭葳蕤形氣分陰
陽各自爲耦奇君子氣常靜順以成歲時天地多境界所值偶
得之虛舟泛微風江河浩無涯身世苟局促拇指生駢枝倚伏
有至理消息如相期

微禽對啁啾飛蟲互翾翾餘花落深院階蘚青連錢一二君子
交澹然相與還所言多迂闊共式道義門辭復忠孝士頻來慰
清寒古意在琴瑟深情託壺尊好我本天性豈但文字閒請看
酬酢詞燕居告溫溫

再酬補園三首

三復館閣文鬱鬱傷懷抱豈無俳優詞所慮終害道古之玉堂
彥翦燭視何艸生者春華榮死或疾風埽食飽一鼾睡竊比玉
山倒求達嗟已遲固窮幸猶早不知士夫志何以異備保再拜
語辭達底用賦詩好

顧臨河朔偉魏徵斌媚姿肝腸雪霜白腰腹瓜瓠蕤薄宦不快
意豈獨傷蹇奇化偶念明發淚墮無人時孩提懷抱中老大閒
隔之朝餐感半菽夕夢天一涯安車東方來咲倚護樹枝把酒
更遙祝偕老同耄期

長裋則善舞羅袂何翩翩西施市上過可憐值一錢物盛終會
衰世無丹九還君本作達人亦住祇陀門譬啜湯飲水自知暖
與寒醇醴豈易謀餘味留空尊我非瑚璉器敢戀堂几閒何以

裹凍骨薄綿信奇溫

次韻申笏山 甫 少京兆移居時晴齋二首

鑿壁潛通屋數楹齋頭重認醉翁名移山卻免愚公負縮地疑從費叟并室邇偶然分主客牆低自昔共陰晴琴書取次過庭院略有當時紫燕迎

宋玉曾居庾信先結鄰當日信因緣替人本是同龕佛別墅應

題並繭綿水竹園荒空入畫 笏山舊有三分水二分竹皆屋圍 滄浪亭小漫輸錢松

陰若見邢和璞不待書巖異世傳

謝吳百藥 華元 侍讀餉滄酒

釀法古亦多于今蕩無遺海內指數者南北分屬之北醞尚燒春乾和實其師禦寒疏滯活立效過良醫風月歌舞筵文字鶯花卮奉此作酬勸未覺相稱宜譬如勇敢士束縛就矩規骨峭

風稜稜奇氣多肝雖南醞出吳越絡繹舟車馳會稽比若下越
客尤居奇佳者故可飲味敗酸豈辭齟齬作贊歎強顏爲節詞
豈惟善文過飲趣實未知況聞饔飧中砲藥陰塗脂義取毒石
固行遠無損虧可憐沈湎徒瞋頭如錐吳醴例作甘甚或如
飴飴昵人故恬媚似少烈婦姿久嗜生宿痰停積傷脾胃水爲
酒之母先天本于斯黷黷等習染美惡殊可移泱泱滄州水淥
淨波淪漪土人汲而釀五齊六法施湛熾器復良滴滴珠槽滋
品居通介開弗敖弗詭隨清冽異剛愎和易難狎嬉淩雪愧庸
劣汾潞慚嶮巖羊羔濁乃俗羅酒怯且羸條山在畿輔大力負
者誰詩翁不善飲妙解糟與醕雙疊咲相餉口沫垂頰頤上以
佐旨甘轉我親顏衰下以滌壘塊慰我枯腸飢澆書盡半榼豁
悶傾一鴟歛抑緩酌斟敢掉長鯨鬚嬌兒或偶竊下客焉許窺

孰補酒經闕南董多偏私此酒類通隱嗜者罕見推我性頗與
近再拜顯以詩願代長者醉揚觶當折枝倘肯寄外府不妨繼
纍纍本作醇醪交詎同甘醴嗤請覓社公酒報德爲醫治

吳楚驥

張松坪

明

前輩手植庭前新柳題句十二韻錢韓石先

生補畫橫幅同人和之

生意垂垂綰柔情縷縷緘雨絲初入翦煙鏤半開函睡態纔偷
起睂痕欲競髟分躔連井鬼惹恨到塵凡蟬噪分明待雅藏特
地銜眼疑將盼眄腰漸露纖摻弱尚難勝舞疎何忍遽芟隋堤
鄉里樹合浦吉祥杉松坪時復僑職遮幔朝眠穩窺窗夜語喃書堂羣翠
古筆陣一軍嚴渭水情無那琅邪感亦咸便添舟作屋檐際著
輕帆

癸未傳臚日公安寶齋堂紀事二首

七年四聽唱臚聲
鰓鰓重看五色橫
舊識爭傳新姓字
高才要稱美科名
詩書大業茲何與
仕宦初階此最榮
攬轡天衢花壓帽
聖朝從古重儒生

歸第笙歌集綺筵
玉堂簪黻聚羣仙
龍身宛轉分頭尾
鷺序從容別後先
每對新人驚老大
沉從前輩久周旋
如何潤色昇平業
還仗諸賢筆似椽

送顧息存

汝修

前輩罷廷尉
歸蜀二首

落落君子友
藹藹同年生
蒼顏聞黃髮
真意樽前傾
道德文詞聞
往復鳴嚶嚶
佳時歌響徹
巾帶春風縈
古道良可師
薄俗但相輕
先生具篙楫
諸老聞籌觥
就中羅豫章
欲別還怛怛
可憐後進者
觀感難爲情

巴江接天流
猿聲隨峽轉
蜀道古曰難
歸人獨稱善
猗猗成都

桑綠陰差可辨當時題橋字一咲脫軒冕瀼西開溪堂簾牖碧
波卷燈明聽兒讀韭香留客翦平生稷契懷深杯藉一遣秋月
兩川明離心較深淺

送吳二匏舍人返歙二首

心折延陵四舍人詞源筆陣露天眞風流最怯秋來散仕宦多
從冷處親黃海分雲圍老屋紫泥添印署山民行勝去約蕪湖
長消受江鄉跌宕身

簡杉亭也

圖書瀟洒具扁舟繡褱紅妝足破愁官雅妻孥存愛敬才高天
地怯雕鏤中年風味思行腳九月霜華欲上頭那得偕君賦初
服本來池鳳半汀鷗

蔡瞻亭

觀濶

侍御以十年前不寐舊作屬和時侍御督

賑東壩因次其韻

十年一詩成故紙公昔不眠今早起新懷伏几得良多舊句黏
牆哦不已守官聊學鳥擇棲閉戶豈同居近市偶然奉使東郊
停河堤僦屋安疎櫺是時飢民去鄉邑十室已見八九肩犁鉏
拋棄付渚澤棧棟拆輦來神京

聖恩大賤列十厥督者 詔遣蘭臺英先生分隸駐東壩花廳
鐵面人知名雁鴻初識溫飽樂溝壑漸轉陽和生朝曦送暖入
茅屋四野流亡罷奔逐苦心哺穀力扶持實政敷陳手封錄春
深定有老農歌月朗不聞新鬼哭赤子是保

皇至仁牛羊司牧何如人衆流湯湯展溪壑兩岸盭盭堆芻薪
柏臺整肅衣冠古正學承家說漳浦公餘力學足自娛挾策臨
書功獨苦閩中士夫能習勞風節砥礪各有曹百年相守久恐
變涓涓易極江河滔我生豫章性陋隘早年任俠儔荆高希榮

久效蹇人拙好義竊比饒夫饕酸寒坐廢但紆鬱跌宕自慰誠
龔豪報君濟物有時命俯首詞賦予心忉蔡侯靜者肝腸白齒
豁頭童亦堪惜此身于世須何益相與和詩尋典籍

同年李衣山以內憂去賦別七首

靈氣天地間轉旋無端建方畫疆域始判中與邊人才以代
興盛衰若循環末俗重勢位割據文章壇牛羊見方隅各抱睨
蜺丸生前獵名譽歟去多寂然雕蟲本小技剽竊斯可憐忠信
苟好學十室有聖賢奈何輕薄子詡詡邊人前

眉山屹然立蘇氏父子生退之產昌黎歐陽起廬陵子厚萬事
裂亦有身後名鄉人配永叔卓犖王與曾古聖多北產學問相
師承自秦漢而下秀靈散蒸蒸何人立門戶其言良可憎讀書
貴自立援倚何足矜可憐疲癯卒云是衛霍兵

而翁生滇南一出驚衆目

至尊拔用之下士皆蜩縮仕宦有通塞世態多反覆率性行所
安文彩在鸞鵠持衡歷吳越斯文久相屬俯首大宗師巨鼎扛
百斛遙望點蒼山萬里接天綠

十五病骨立夜讀聲達旦定交藥竈閒我困君未冠六載喜同
甲餘事弄柔翰所契本天性出入比鴻雁君時擅詞賦筆力百
家貫纂組架上書五色一編爛窮經解象緯凶吉瞭然判填門
長者轍占卜各有願誰憐李翰林文字作貞幹

妖狐能祟人百計算爾傷媚惑維恐怖毒害過虎狼孱孱五尺
軀挺挺百鍊鋼鼯鼠五技盡其去如鷹揚君作驅狐詩直氣排
天閭以此驗志節外鑠不可戕韓公亦有言百怪入我腸恐是
文字魔幻爲時世妝

浩歌無古今君每露隱憂問知母疾痼喀然十春秋不語復不
出不藥不喜愁形骸若遺忘肩神類天游君婦左右之至孝無
與儔一朝委蛻去夜壑藏虛舟生膺一品封歿歸十二樓君于
艸土中夢母南海岷潮音擁仙巖或者居上頭

中年盛衰樂況與君別離君去得所託我窮欲何之悠悠人海
中九陌車雷馳知已古曰難頗戒求人知坐廢兀兀身日誦無
益詞嗟哉同年友歿亡閒此倚食祿感深恩抱志將語誰當秋
兩行淚因君情益悲

袁止水

匡肅

舍人香影庵圖

茅堂四開天地白老樹橫斜鬬標格蒲團偶現宰官身驢背曾
爲苦吟客飛瓊下舞羽衣亂天女歸來蕊宮闕十株五株羅浮
雲千片萬片南山石花中有人屋深淺雪後尋香風順逆習靜

休題彌勒龕巡檐漫比林逋宅樓臺水月幾家住花柳春風萬
人陌湖山車馬足徵逐冰玉窗櫺何偪仄乃知孤潔異本性獨
守高寒信奇癖嗜好所寄各有真畫圖可著平生身千年老梅
萬古雪要與居士傳清神冬心老翁金壽門解寫此意筆更新
用朱頗似玉泉進尚質不減龍眠麟君藏此卷已四載塞山往
復隨鉤陳馬蹴層冰四蹄熟驛使孰寄江南春空山入定經幾
旬面壁欲斂三生因可知絳衲參禪者不是紅衣把釣人

邵蔚田

嗣宗

前輩杏花春雨圖三首

曲江風颭帽檐欹十二年前第一枝忽憶江南春社好小桃初
謝燕來時

絕倒金門索米人不知原是此花身上林風日蓬萊樹拋擲年
光到幾巡

輕陰乍閣，爨絲孤負。瞻蒲荷鋪時，安得高眠黃犢。背笛聲吹過晚晴遲。

前蜀王鉞書妙法蓮花經殘葉爲鄭西崖瑛作

龍八月見洵陽麟，十月見璧州武成。三年祥瑞裒扶天閣功臣圖，文思殿貯羣書。張格王鉞恩禮殊，賊臣紛紛事殺戮。學士寫經藏浮屠妙法蓮花有正義六萬九千五百字，能以圓教度無邊王八子孫。應世世危腦帽何不祥，金蓮冠倚醉妝青城山頭。衆仙戲彩雲作衣霞作裳，官妃唱罷甘州曲。畫舸龍翻錦江綠，簾帷珠翠滿城香。爭看李嚴來聘蜀，貪狼怪風橫空來回鶻小隊。宮人迴三趙邨南十八剎，佛力普救何有哉。潼川剩有琴泉寺八百餘年塔輪圯，經函幾倖劫灰遺。卻被頑僧等閒燬，一千三百二十言首卷殘葉留人間。燼餘幸落鄭君手，唐末手迹相

傳觀平章相業無可紀妙墨唯存書數紙當時共仰筆如椽降
表還推學士李

送劉創堃秀才還里

仙源豈在五雲隈誰遣劉郎誤人來明月冷穿京國樹秋風寒
到故人杯乘軒病鶴如初瘦北鄉飢鴻合早迴卻愧留賓無一
榻不知何處用鄒枚

題紀心齋侍御滌硯圖

隨身一硯三十年墨香入骨光黝然石君老去面如鐵主人達
後心同堅早充良田任耕耨近與白簡相周旋平生文字出胎
養幾度洗伐求神仙相偕入畫喚老友滌之偶仿襄陽顛練紋
鋪砌散冰玉松液繞指生雲煙陳元山浴體滑笏秀氣別染苔
花鮮先生所思渺何許兀兀露坐精神全昔人硯癖本好事後

世愛物思人賢張華之德尚可念玉帶況以文公傳三災恐置
俗流凡一唾防污髯翁挺真手不壞豈在硯澗者磷者皆可捐
臨池恍惚聽石語與公守黑全其天

擇石先生寓齋小集分咏叢菊

霜枝倚叢叢冷萼粲可數香分野人擔秀出老僧圃入市隨螾
柿遣秋敵風雨蕭疎成慰藉閒澹相媚嫵幽人陷砌閒得此足
賓主吾師一畝宅小院數弓土四時時雜花香泥釀芳臙行閒
蝶蜂競隙處藥苗補灌溉各有宜翦剔俱入譜西風動簾帷金
色滿堂戶層軒面南西獨樹閱今古益以君子交骨性實其伍
冷吟開餽暉閒醉出尊俎頽齡那須制時節故相許腰腳苟長
健萸杞亦奚取寫生屏可張助美籬當樹尋秋及敖游送酒約
佳侶師如御籃輿門生尚能舉

送汪魚亭還里

來處植植去艸艸送君再出長安道
桺條不似昔年青秋氣真隨故人老
君將八仕游未倦我欲著書心已槁
不忘溝壑守窮乏恥向妻孥說溫飽
年來自許黏壁枯相對猶憐擇枝繞
君身木彊氣不屈神鬼揶揄百端擾
高才易竭須善繼美譽難勝貴終保
千金屢散身枉勞萬卷重開歸及早
孺人穉子入鄉夢淚洒鐙檠客懷渺
陶潛醉語醒者怨杜甫登牀貴人惱
家無擔石豈得住主客初心亦難曉
敝裘羸馬天蒼茫投轄傾囊事縹緲
漫拋心力繡平原誰出黃金鑄買島
卅年故舊幾人存千里關山何處好
布帆安穩浩歌還回首交游迹如埽

汪魚亭爲亡友趙山南

山儀

作芙蓉城雜劇題詞四首

信有神仙便可招滿樓江色氣蕭條
才人命短詩人困還忍低

頭按綠么

玉宇高寒日似年嘔心文字悔生天芙蓉落後嬋娟歟只恐仙官亦可憐

同物偏慳會面緣記從滕閣望歸船我登科日君垂外還住人閒十六年

夢作閻羅事已非恐勞詞客再霑衣橫江我有將軍板待拍驚濤十丈飛

送孫壺園比部出官閩中糧道作述舊篇

峩峩石樓山運會五百年于有文定公挺然生其閒承先待後學著作金匱傳道德醞名業遺澤世弗諼公子服庭訓習禮敦詩嫻公歿乃入仕克守西曹官十載擢監司始發見用端祖帳集車蓋離心各偏反賤子列通門就中應有言我翁昔任俠三

十游太原張公兄弟行射獵雙麋韃投壺閒雅歌飲酒分羣肩
禮以嫂叔見情親共悲歡蘭闥有淑女爲君太夫人偶爲指句
讀許儷當時賢是時文定公昆弟諸生聯讀書養奇氣智勇當
鉅艱手撻仇人胸青衿血斑斕義聲溢郡國事定名克完我翁
登君堂肅肅儒者筵太公杖而出子弟陳壺尊春風坐融融欲
別還流連曰歸語張公相對爲嗟歎旣而太夫人百兩歸清門
助公四十載一品承

皇宣童年聽翁語旣長知公存或聞建牙幢或聞掌絲綸老儒
在朝廷百僚正衣冠自恨蹇足困不能叩賢關通籍歲甲戌
公已乘雲旋君時讀祭禮奉母居邱園愛我傳唱詩遙寄贈答
篇未見情脈脈旣見膺拳拳乍欣文字交漸尋先世緣更知庶
子師舉主公淵源君在長者列隅坐吾所安豈惟褰屣從板輿

恒往還我母太安人每每偕魚軒問門白髮傳真意切痼瘵及
今遠別離內外同悽酸三山富名宦樹立期勉旃傳家有龍節
治譜存班班重開眉壽堂永駐丹砂顏濟美會有時先德百世
延我家隔數峯中有祖父阡行當返田廬將母栢林泉爲農荷
犁鉏我志將終焉佳時動高興相訪綠寧慳應偕小合河同謁
武夷君

題王茂邨

祖庚

太守鏡影圖三首

抱影冰壺中置身明鏡裏相對久忘言卽此是知己
一輪涵太虛中有滿月相平生自照心湧作光明藏
鑑空無我相水靜波亦止手拈幽蘭花妙香乃如此

忠雅堂文集卷十

忠雅堂文集卷十一

詩十一

鉛山 蔣士銓 心餘

重裝長椿寺九蓮菩薩畫像歌

聖像勒石傳琳宮觀自在身太后容丹青畫本世罕觀京師梵
宇分頒同城西舊有長椿寺玉軸猶存尚方賜袈裟瓊珞天人
褻靈氣浮空花雨墜金粉半脫目有神老僧略識娘娘尊當時
諸佛避寶座今日故紙黏梁塵昔輔神宗持國柄外有江陵內
慈聖諒闇不負託孤心嚴憚同欽蒙養正曉漏聲中呼帝起長
跼讀書寧恕爾不須定汝作官家須知汝亦都人子煌煌慈訓
天下平帝長唯賴張先生九州富強天子孝報恩崇佛工繁興
黃金布地恩難荅嘉靖求仙換家法一時庫藏散浮屠請看堂
中多寶塔後來帑竭煩征輸國戚助餉多加誅皇兒泣隨菩薩

去六宮齋醮無時無可憐酣睡太妃側萬歷初年還共憶世宗
神祖善功垂仙佛如何難殺賊嗚呼往事莫具陳重裝寶相開
金輪槐花落盡香煙冷麥飯誰人念老身

掩骼篇

小引

城東安化寺有廣場爲旅櫬寄葬之所余偕申鐵蟾孝廉北往
游見暴露者十有四棺令寺僧掩覆之荅曰需錢一萬四千子
與孝廉分任之越五日竣事作詩弔之

安化寺中冢纍纍新鬼故鬼紛追隨生居五方不省識死聚尺
土相因依旅人賃地如賃居寺僧食租如食穀棺存那管狐兔
穿窬裂寧知髑髏哭尋秋有客聞鐘來破墓入眼同悲哀本無
金椀鎮石槨但有白骨生青苔墓田何處正邱首貧者應須死
速朽餒而寧借子孫在廢矣難求翁仲守兩人出錢萬四千馬

蠶十四俱隆然生王死士終難保柳下能經幾百年

痘瘍歎

三四月交十月間九門出兒萬七千郊關痘瘍莫計數十家襁
褓一二全殺胎破卵君子戒天殛神罰何爲然可憐修短繫祿
命電光石火風輪旋雖嬰殞折等毛髮乞丐顧復同蒙賢育嬰
有堂制亦古

聖朝幼幼恩無偏蜂房夾廡列戶牖螺贏各領蟲娘錢安眠一
榻魚戢戢索乳滿席蠶蠕蠕長成亦有弟兄誼委棄那得耶娘
憐但存年月注簿籍未有姓氏求淵源生來死去牛輦載移根
接葉人因緣昨聞車箱有兒破棺出痘母所救城閭喧入堂兩
日哭者至三世孀婦來兒前喜兒不死嗣弗斬揭盃負去歡生
顏歸家徧語四鄰婦兒死慎勿輕拋捐

王麓臺富春秋色橫卷爲顧晴沙

光旭作

山蒼蒼水泱泱山水出奇險云是七里瀧誰將劒門割一角嵯
峨擲向玻黎江雲嵐峭倩秀欲絕竹樹倒壓風枝揚無風七里
有風七十里入峽出峽舟閒忙富春春色最窈窕司農偶爾圖
秋光昔年舟行看不足對畫益愛江山長山閒虛豁闊谿礧山
外平遠開帆檣巖祠謝墓屹相向樵徑斷續縈漁莊秋容閒靜
澹逾好却有橘林楓葉矜丹黃潮聲不敢亂鐘磬但聞禽語飛
斜陽此山此水足千古豈借遺民釣叟爲低昂麓臺初得子久
富春本摹仿數過人爭藏勵家昔戒設寒具不及百歲多散亡
侍御三癡有家癖典裘購易緘縲襲顧廚可令鬼神守靈畫善
遁君其防

韋約軒尊甫鐵翁授經遺像

公歿廿載瞻遺容公子執經公座中聞公有道抱六籍學者遠
近擔簦從平生醞釀經世學在官偶試多陰功晚年投簪謀諸
子鯉庭蘭蕙含春風五郎鍾愛比文度入畫雙瞳秋水露少爲
雛鳳啄桐花長珥麟豪對雞樹舍人及第天扶持九原一咲公
聞知卅年隱德被桑梓官秩不稱同嗟咨關西夫子孰敢賂琴
鐸鉅鉅愚者悟坐看梟鳥化慈鳥咲聽貪夫遭鬼仆蝗蝻出境
避三鱸哺穀飢鴻亦可憐有時微服問疾苦往往痛哭桑麻閒
泗州久作蛟龍壑田吏報淤還報涸一田兩糧民力殫官不矜
憐胥吏樂丈量之詔一朝下公以儒師歷田舍請裁冗官減
浮賦歲取從茲七千罷我聞虞山文肅官司農積誠上書陳
世宗請除浮糧六十萬天佑父子爲三公江南之人尚能言其
事功有廣狹仁心同腐儒有文但局促俗吏無術多凡庸經義

治事具體用本諸德行言非空不特泗民效尸祝金壇溧陽人
士皆思公前賢警欬渺難及公子西清同出入有孫未冠襲公
書三禮六官能手輯身如瘦鵠目秀明隔牆讀書朝夕聲他時
述祖詩成後把筆還修韋幔經

壽萱堂小集分賦金陵古蹟得周顒卹堂二首

隱士松門久不開禪師龍象亦難攀煙霞自在興亡外猿鶴寧
知出處閒學佛堂空僧入定移文人愧鳥飛還聽鼃卧病蠶牀
走應解傷懷禹井山

胡孔稚圭

謫諫談經宦味超齊居戒殺道情饒素餐本自宜葵蓼肥遁如
何近市朝異代堪迴逋客駕不才應謝鶴書招定林支笏歸何
晚誰爲山靈續解嘲

豫章樂府詞十首

廣廈歌

抱書侍立士兩旁經師前揖公中央論文授經聲琅琅公曰汝
士我梓桑汝不志穀汝學賊我則繡壤爲汝偃我爲尸且牝牡
黃太平有道士氣揚十年三度觀國光休哉利用賓于王豐碑
題名立上庠鸞停鵠時相翱翔不見門外花旌獵獵馬繫樹多
士低簷送公去王公白公人不知但識彭公講學處

瑣聞秋

當年白袍如立鵠遜者爭汲折轆轤一斗之泥果人腹井渠不
食公乃蹙嗚呼樹人先樹木取材以義爲士祝曰桐曰槐曰金
粟鑿井十二井水寒作銘大書鐫井闌千人萬人飲之永不乾
矮屋打頭屋漏注公欲改作奈何去公日來者何人念多士此
是昔年辛苦地

質肆平

官街蒯卒大索人質肆晝閉市僧奔械之廳事脫布禪方伯怒
罵吏朴臂不仁者富剝我民按簿示罰民欣欣失重失輕權異
衡一正銖兩豪釐分金準一兩錢一緡反質勿阻其有遵大書
警誠縣肆門持錢入肆來紛紜小兒襁褓妻釵裙負歸茅屋傳
公恩君不見一牒過郵十三郡萬世西江著爲令

三厥廢

婦人由左男由右壯者在前弱者後或跛或瘠或癯偃背肩聳
嫗兒在手形佺面羸維老醜遙聞粥香涎溢口延慶寺前雜選
走寒風吹骨衣露肘縣官當門坐垂綬阜隸記簿不記某往年
煮餽飽雞狗今年逢底粥濡首飢人一飽即曰畝胥吏捫掄不
敢取方伯食我德已厚出門果腹遇其偶或來大悲或天后德

后皆著
弼厥也

可憐鰥寡孤獨天下之窮民何以親公皆若親其親

寶昌鑄

我聞僞錢不蕃民不疑限錢弛禁復苛私又聞尉曰眞宰相職
事便民則請之江西錢輕千文無二尺荇葉鰓眼愁風吹我公
胸有洪鈞錘請立大冶延冶師法本九府圉則規輪廓肉好三
官知黑濁氣盡黃離離公不愛錢錢用滋誰敢捋髭呼渠伊鳴
呼泉源不竭國可富那須河閒錢如雨銅向雲南來公向雲南
去請公選受一大錢留示兒孫寶昌鑄

辜坊獄

辜坊大猾毒如虎戕命剽攻莫能禦力能制賊作賊主順者憂
愁逆者苦奪人粟帛據人婦當街見之不敢怒井中魂斷宗蒼
五公爲中丞命吏捕沙埤塘邊虎變鼠長繩縛頸齧倒豎觀者

堵牆爭起舞當市誅之血汚土從此吾民不閉戶何事鄉邨男女皆欲向公拜城中已殺辜隆愍

周道謠

溝瀆塞道路仄泥滑滑行不得時雨降水騰上車折軸馬脫鞅維公念之命我匠三涂五軌尋尺丈鱗石引繩功必當毋坎毋埥毋使枉從橫若局平若掌誰其突者趾相向摩肩擊鼓歌蕩蕩民咸安居土無曠厥聲載路行者讓使民由之永無忘公平其政辟人亦樂哉季春不用司空來

章門渡

不可爲徒杠不可爲輿梁迴波如箭一羣航隔江招手人寸長舟子搖艣兩日張索錢叉手江中央其心自閒客自忙性命不直一孔方此時舟子如耶孃索客錢盡看客囊輕篙短漿神揚

揚禁碑一丈立江沚公遭吏偵不少貸滕王閣下波如綺葉集
風帆去來駛舟子低眉估客喜估客估客莫漫喜我畏方伯非
畏爾

俎豆馨

以死勤事則事之以勞定國則祀之天地閉而賢人隱嗟哉處
士不得爲西江廟食誰得祧廢者圯者公能知文公謝公致身
在王室此都捍患當專祠大節不奪公所儀手書大忠顏其楣
經歷之祀久已奪同公靈氣千鈞絲公來更爲作木主大書深
刻鐫于碑八隱祠邊香若霧一時俎豆都如故忠臣隱士空中
語价人維藩篤天祐御風共倚高觀樓珮聲度水靈旗駐吁嗟
婦人正氣亦千古雲中咲指婁妃墓

栗山封

祖宗之樂那可得九世孫來作方伯鄉里聞之皆動色松楸園
墓根拔石豐碑雨洗蒼苔碧猶是銀臺親手迹中書皇明處士
彭公仲寬墓左書萬歷三十八年吉月吉右書元孫端吾立至
今乾隆辛酉一百三十有二載復見我公來夏邑於是封之崇
四尺作祠買田傳世世寒食螺江紫夢寐公去何年復來至馬
頭漸覺鄉音異咲他溟人羅拜大梁官不識廬陵老居士

幾人

幾人頭白眼枯時尚吐春蠶未盡絲那惜咲啼供勉強更拌腰
脚與支持栖栖見哂微生畝憤憤真憐子叔疑解報衰翁勤苦
意兒孫歌舞一償之

咏老將二首

將軍老去飯能強記得河山古戰場射虎弓猶開滿月籌邊鬢

略點新霜名標崖石翻旗字臂袒袍花隱箭瘡夜半觀星奇氣
出暗抽壺矢注天狼

長揖歸田墊角巾瀟陵醉尉敢相嗔童顏舊寫麟臺像壽骨終
全馬革身自注韜鈴通史事肯令歌舞亂天真消閒熟玩邯鄲
枕帳下新傳散美人

除夕

歲鼓聲中臘又除屠蘇觴暖壽顏舒飛騰四十來朝是寂算行
藏本願虛徑路無媒通彼美鄕山有夢戀吾廬微酣笑伴梅花
睡放免朝正待漏車

柳陰雙馬圖二首

甲申

俯首雙轅沒巷泥疲驪瘦蹇仰天嘶何人解惜馳驅苦別寫偷
閒八馬蹄

駿骨泥塗豈易求金繩細細作籠頭不知齧艸相羣者可願銅街附八騶

趙損之舍人文哲龍湫濯足圖

濯足安得萬里流滄浪清濁非我求踏冰雙腳厭塵瑤何處踢翻鸚鵡洲近來煙湯洗蹀躞逕去拍水隨鳬鷗舍人忽現邱壑影白氣出卷不可收天紳四垂古雪亂羽衣萬舞晶簾鉤羣龍戲海湧貝闕中有王者冠縣旒只疑天漏瀉銀漢黃河倒落崑崙邱跣而踞坐有奇膽叩脰不懼龍公尤知君胸次納洪瀨俯視巨浸同浮漚偶然插腳水精域跨躍江海思乘桴我聞雁蕩高峯百有二雁湖十里開山頭永嘉而後纈靈境老衲接迹栖巖幽遂令尊者諾詎羅道場直與天台侔天下瀑布之水我但見其一開先正練飛雙蚪君言石梁較奇險山骨半假力抗千

幽繆雷霆萬斧擊不斷至剛乃敵元冥柔不若龍漱直下五千
尺離絕倚傍飛旌旂空靈神妙甲諸瀑他樂敢附節韶儔平生
魂夢浸靈窟攝入巾卷成巧偷昔者吾友盡宴坐王叔原此部有龍潭宴坐圖好
勇與爾堪稱由奇觀挹取豈爲過往事溯洄聊復休蛟龍齧趾
亦可畏丈夫有腳寧妄投夷猶我欲衛其足濯纓笑聽兒童謳

送錢慈伯游雲中赴景學使幕二首

未可悲淪落斯文賴別裁行邊詩骨健立馬塞雲開古事存碑
石長歌借酒杯書生懷抱盡還上李陵臺
士不遇如何依人雜感多高才憐偃蹇此意滿山河識大身寧
小心安氣自和請看歸去者一樣歎蹉跎

黃烈婦

死爲黃氏婦生作喬公女妾名鍾齡郎熙寧二十而嫁兩月寡

身入夫棺人弗許人弗許妾心悲死則同穴生何爲妾左右誰
伺守我不死矣可出走人心安妾豈忘問寢視膳皆如常妾幼
讀詩書胸有經傳香昔慕曹娥殉親于江慕宋伯姬蹈火不下
堂妾爲處子屢瀕于死天留妾身今復何俟父官河東母歸淮
南舟覆惠濟盡室風潭母弟未出妾先出骨肉共命妾死甘妾
豈畏蛟龍再躍驚濤中手攬兩衣裾餘生幸相從父官河南河
決楊橋危城贖三版衆命如萍飄妾衣已密紉得正焉可逃再
爲河伯遺妾命多堅牢堅牢亦何益妾死終莫辭未知有生樂
不如下從曹娥宋伯姬開我百福願獻我八寶簪請翁營壽藏
下慰熙寧心熙寧苦無嗣當立小叔子叔長宜早婚庶得抱孫
喜舅姑泣兄弟來父官黔中傷我懷此非永訣詞兄弟勿相猜
空房計時日夫亡閱三旬喚婢具蘭湯浴我松竹身浴罷向空

拜自挂何從容五城十二樓笑躡雙鸞蹤乾隆年歲壬辰六月
十七天大暑有司請旌 朝命許吳淞江澈底清上海烈婦孝
且貞詩成拂拂清風生

李貞女

李止玉金谿人簪著簪服練帶誰家女縣令孫誰家婦周氏子
訂姻盟笄而字夫廷燬丙子亡女未嫁神暗傷明年聞祖姑卒
姑早殞舅久出女欲往經紀之室無人女何歸閨八載志弗移
閉深閨誰得窺上日月下冰雪女中央共光潔歲癸未族人議
遣素車迎女至成婦禮終厥志見于廟祖宗涕嫁未嫁無同異
廷燬居新橋淚止玉居珊瑚里水粼粼燬不明珂珊珊玉有聲
女未亡心永貞我作詩清風生

紀心齋侍御獨柳堂春譙分得聲字用杜樊川體

臘雪微銷艸未萌溶溶庭院月波橫春袍暖共簾衣卸笑靨歡
隨酒暈生鐙落檐花留客影風迴鄰笛過牆聲尊前後日吟嘉
樹應念人栢白下城

愍忠寺傳雲畫觀世音三十二應像

虛堂湧現人天身三十二相何紛紜聲聞辟支毘沙門梵王帝
釋天將軍宰官居士長者倫比丘優婆男女羣天龍夜叉人非
人修羅摩睺金剛神珠睂火目莊嚴尊魁肩謁鼻醜怪均芙蓉
頰輔丹砂脣黃金臂指藤羅筋或大歡喜或怒瞋或頭叢叢或
冠冠冠珮級冕纓旒紳笏杖劍塵戈鉞鎗一一妝束離六塵明
霞彩霧相鮮新善氣熟視衆心親兇威乍矚皆退奔誰其畫者
爲傳雲十指爲筆掌擦皴爪甲畫剔蠶螺紋雲也偏彊性莽馴
窮老不作王侯賓使酒嫚罵直氣伸忽然醉弄松煙盆狂叫拍

抹師王尊思議徧攝諸天現大笑捨之祇陀園噴洒墨雨飛慈
雲妙香四壁浮氤氲名觀世音何緣因無盡意聽佛告云云何
解脫萬劫輪稱名普救如其仁寶珠璅珞奚足珍衆生卽佛無
合分青蓮九品花葉根三十二相孰假真現身說法空勤勤離
慾者誰菩薩顰雲汝多事慈容嘆

饒霽南前輩春雨課耕小照

少年力未勝犁鉏有愧識字耕田夫本無繡壤藝黍稷但有破
硯充畬畬中年灑落取高第揮手蓬瀛恣游戲屢開元圃樹琅
玕還泛仙槎求象珥更事漸多心目空好夢每落鄉山中昨聞
買田報米賤便欲抱膝歌年豐將身畫入南東畝萬綠中開讀
書牖耦耕何必勸山妻叱犢唯須任農叟主人胸有種植書能
轉饒瘠成膏腴況當春和土脈潤插秧雨過蓑笠俱眼前樂歲

飽飯饔日後歸田偕伯仲雞豚社裡饗齊民腰鼓聲中唱豳頌
十年與君姻亞親同來索米金馬門兩家子弟各童穉豈知稼
穡多艱辛一飮之施期自効食祿恩深何以報敢當盛世
侶樵漁暫與山農說忠孝吁嗟乎江南老翁多特牛豚蹄歲祝
盈車篝歸歟我是無田者戲問荒莊可有秋

消寒雜咏和王蔗村太守十首

百八聲中夜氣寒幾人新夢戀邯鄲孤墳鬼拜燐光冷破廟僧
眠佛火殘醒後悟多身可化心頭事集悔無端景陽別有妝成
者斜倚熏籠坐未安

寒鐘

危峯偃蹇似高人落木中存入定身點黛曾誇睂宛轉倚天今
賸骨嶙峋雨雲暫晦非無力虎豹潛驅尚有神拄笏君休笑枯
寂山靈面目此時真

寒鐘

雪滿峯腰細路危墮樵何藉斧斤施濕薪冰重難爲束冷竈人
飢正待炊荷蕢行來霜滿擔前經歸去凍橫髭觀碁算等終殘
局呵手愁他落子遲

寒袖

水落空江怒已平靈胥更與朔風爭波迴猛勢朝辭島雪卷餘
威夜打城車馬潛藏富歲算魚龍偃臥各心驚海門天闕銀山
凍僕病焉能聽此聲

寒潮

忍凍眞憐舉網遲游鱗不餌竟何之牽來涸澤蛟常避曬向冰
天雀轉疑影翳頗黎千頃白舟橫風雪一蓑披冬來可是澄潭
暖欲往濠梁問罟師

寒簪

葉葉蒲飛下上灘檣烏瑟縮認驚湍乘風且放從橫去帶雪眞
宜轉側看打鼓迴時須便利牽繩收處要平安推蓬飽識冰霜
苦每念江湖行路難

寒靴

荒邨月冷吹聲振深院
鐙沉警夢頻山鬼嘯時原可怪
驚鳥閃處亦相噴緣慳未逐神仙去
氣猛難爲盜賊馴可惜狺狺風雪裏
不辭惱亂暗中人

寒吟

雪擁柴門食芋魁
燒殘枵櫺煤
哀山中對畫
休饒舌獄底重
然亦死灰獸炭誰家通
夜我羶帷幾處怯風開
冰心久未因人熱
不用綈袍戀戀來

寒鋤

黃獨苗稀雪意賒
灌畦人愛晚菰芽
嚼來至味無如菜
看到荒園可當花
卒歲瓜壺輸老圃
迎年酒肉讓豪家
庾郎貧薄休相笑
猶有宮商在齒牙

寒疏

風雪隨身一畝田
石交惟此伴寒飈
敲同古鐵心原冷
試以層冰骨更堅
玉匣輕函凝黛
潘金鑊小炙潤松
爐龍窟苦要冬烘
守彼此相磨二十年

寒硯

觀張樗寮書金剛經墨迹王文園

禮部所藏

金剛經本寫者誰樗寮老人張卽之白頭尚有孺子慕久孤獨
抱終身思淳祐六年季夏朔府君諱日孝男作寫經薦亡事或
有人子之心渺然托六十老翁筆有神腕力屈鐵迴千鈞萬言
一氣盡沙出剛柔胎息相屈伸端嚴可親美難狎隸骨艸姿成
楷法形模虞褚體稍變此筆前賢後賢合放收垂縮凌空來控
勒生馬去復迴天人降時佛微笑空山靜處花繁開儒者衣冠
多肅穆老衲飛仙伴幽獨拙中妙帶木石古媚處羞同桃李俗
編中裏鍼古法垂鷗波俛首曾相師流傳寶祕得完好想見得
意揮豪時儀曹好古亦其癖往往質衣收典籍殘年風雪購此
本不顧官廚無擔石出觀燈下紙墨香最後藏者畢懋康跋語
雋妙董其昌其下復有趙宦光人天護持佛歡喜豪奪巧偷徒

爾爾劫火難銷罔極心金剛之力故如此

題王蔗邨太守消寒詩後

舊第闌居擁鶴琴博山烘硯動長吟東坡老筆無衰氣宋玉微詞亦壯心

查恂叔太守榕巢圖

潭潭府中太守居簿牒滿案圖吏胥公餘却嫌官事擾何處掩關宜著書池上老榕壽百歲入地參天閱人世斧斤赦後得全生風雨來時堪自蔽一枝檉立孤鵬鸞一枝橫偃蒼龍眠池邊倒影鏡花舞岸畔側身隄蟻穿中間架屋小巢露賢守新營讀書處繁柯巧構豁檐楹密葉微開通牖戶瘴鄉瘴淫五嶺同可看麥壘山鞠窮樓臺豈但坐臥適腰腳亦免沴濕攻方丈真如鳥窠綠半夜吟聲出天際山川幾處借雕鐫木石居然無廢棄

嗚呼名賢所過勝迹留後來攬結思前修碧梧翠竹多鸞鳳下
視憐他鵲與鳩

題彭芝庭先生蘭咳永慕圖二首

至孝曾于畫卷傳生徒久廢蓼莪篇不須更補笙詩句每到花
時一泣然

神仙骨格鳳鸞姿元髮朱顏似昔時此是清門祥瑞艸國香叢
畔又生枝

自題認影圖二首

一點靈光落轉輪更名易姓了前因守來軀殼成今我忘卻精
魂是古人待盡浮生等行役難移烈性本天真也知面目皆空
相多事還圖現在身

苦樂乘除夢已多談忠說孝又蹉跎病根只是名心累直氣難

辭幻境磨照水須眉憔悴得流波歲月等閒過唐生詹尹都饒
舌落溷飄茵奈爾何

查恂叔太守招飲接葉亭看丁香分韻得眠字三首

湯西崖前輩舊墅

北地花開此最先變枝紅杏恰隨肩蕊成丁字名非假氣雜辛
香性亦偏小宴重張詩老宅斯亭曾見永和年春光九十堂
去讓與山公枕麴眠

那要滄浪十萬錢花時鴈詠繼前賢虛廊靜得山林趣怪石欹
如鶴鹿眠種樹幾人成過客看花半日比游仙持杯醉問風流
守底事歸無宅與田

曹騰都忘養花天春色園林已爛然昨夜癡尋槐莢夢今年歸
作海棠顛飲耽文字存餘韻事若流傳感後賢試裂長緜寫巾

裕座中還仗李龍眠

送王夢樓侍讀守臨安三首

早傳奇氣擅清豪手釣長鯨履巨鼇一代才名留海國千尋文
燄壓風濤歸游蓬島誇仙骨笑採瓊花奪錦袍不忘王孫投贈
雅醉中還舞繡囊刀

殿前作賦聚枚鄒藝苑名高領敕頭講幄纔稱香案吏朱轡忽
擁樊城騶二千石貴惟良任九萬程途亦壯游莫歎迴風成阻
隔滇池波暖接天流

牂牁郡古控蠻司諸葛威名尚有祠艸木知春迎五馬文章有
道化諸夷攜來琴鶴存清節看到江山要好詩若見唐三
須問訊可能遙寄艸堂貲

思時爲
呈貢令

忠雅堂文集卷十一